

紹門崇行録對雲園







正獨納誨少鹿荷人門臟不遺左蟲受不完之守衣衆欲鳥衣疑不施畜錢溪鳴施作之行死一清知爲松僕掩不衣延塵隨齋行第別食和足侶食從閉憶糧顧跡積散會第 緇門崇行錄目次

八八八七七七六六五五五四四

尊	A STORY OF THE STORY		
	不終防抗闔不	埃力不敢	器分林
向又刀即	小小沙的力儿園了	い月ノノイツ以	 风 切 示
師杖役之	談夜心章門受	* 點 衞 面 壞	訓絕拒
神白田石	# # 林林不	直即上海	住地上
[[] 日田八]	世拱離不拒仰	1家 敗 从 陷	 可成
懺青会第	事手過屈子書	尼尚人器	考填尼
130.30 17 710	: :	1 / La Ele / WHH	H 11 / 10
: : :		: : : :	: : :
	: : : : : :	: : : :	: : :
	: : : : : :	: : : :	: : :
: : :	: : : : : :	: : : :	: : :
: : :			
			: : :
		: : : :	: : :
: : :		: : : :	: : :
: : :		: : : :	: : :
			: : :
六五五	Int Int		十九九
/\ _IIII.	四四二二二-		, , ,

不不駕不衆避尚看施贍行看穢藍惠口躬濟割引結不享服寵之病戒濟先疾疾被養吮處貧耳賊貴迎王清入行如放乞執遇不畜羣腹癘詣救路遊送供散山第己生人帶聖嫌狗鼠癰坊官雉 四三三三三三 三三三三三三三三 〇九九九八八 七七六六六五五五五 歷事混不十傳重對棄袖不力不不冒詔三寧屢 年皆迹宣年法之使書納樂辭受赴死至韶死徵 閉緣樵靈秘久行焚不薦王賜衣俗納不不不不 戶起牧異重隱第鉢拆書宮紫號筵僧起赴起就

四四四四四四

三

四四四四四四

八七七六六五

刻苦事衆 五五 —	目役作 五	里决疑 五	作不食 五	載春粟 五	蝨不除 五	先苦役 五	当取經	股制心	졣譲絰 五	經險難	老頭	之行第九	守隱居四	冼隱山 四	請不	處深山 四	佛 學 宴 選
出青蓮		感示淨上 六二	神護體	鐘拔苦 六	經延壽 六	懺延壽 六	苦發解 六	疾獲瘳 五	講懺悔 五	中易首 五	師子座 五	獲妙音	誠感戒 五	感應之行第十	常行乞食 五六	不辭勞	IП.

之模範 其首 清而 葉之舟不可 孝親忠孝無二理。 之以忠君忠盡於上交而惠乏於下及則兼濟之道虧故受之以慈物慈近於愛愛生著出 菩提 末法之弊極 德之機緣而逐聲響捕影跡爲 。 沙門者取慧焉足矣德行奚爲予曰。 僧 問 之妙道。 沙 門奚事日 也故受之以尊師親生而後師教遺其親是忘本也戒雖萬行以孝爲宗故受之以。 不嚴狂士之清也攝 顚 而 矣予爲此懼集古善行錄其要者以十門羅之何者離俗染之謂僧故淸素居 趾而溺者幾希矣今沙門稍才敏則攻訓詁業鉛槧如儒生又上之則殘摭古 可以受非其器乎哉師 事 知有親不 道事道孰 知 有君私也一人有慶而我得優遊於林泉君恩莫大焉故受 明 爲 身 口意是諸佛教故受之以嚴正嚴正 眼 本日德行爲本僧云甚矣子之固也利以慧入鈍以 者笑聽其言此 先民有言德行本也。 子之乳匪瑠 也超佛祖之先稽其行也落凡庸之後蓋 瑙 瓶貯之則裂墨萬鈞之鼎而 又云士之致遠者先器識況無上 繇 師訓 而 成。 師 荷 福修。 者 以

緇門崇行錄 序

遲 世之礙也故受之以高尙高尙非潔身長往而捨衆生也欲其積厚而流光故受之以遲重 重 而端居無為不 可 也故受之以艱苦勞而無功則苦難而退因果不虛故受之以感應

力極 愼之哉毋升高 予與一掌曰學語之流如麻似栗未在更道僧無對艴然而起予笑曰蔽面塵埃子何不拭。 云吾法 可希冀不然一 十行修而 而 心通然後知不撥萬行不受一塵終日不空終日不有夫是之謂眞慧願吾子究心野升高不自卑無妄談般若自取殃咎無醉於虚名修其德殫其精誠以致力於道。 塵不立十行何施予曰五蘊紛紜四大叢沓何謂無廛僧云四大本空五。 鄙夫耳人道未全焉知佛道即使利根多慧而慧彌多障彌重將安用之僧 德備則任法之器也地良矣而後佳種投心醇矣而後至言**入無上**菩 蓝非有。 提 庶

予未聞道。 者。 「金澤溥於德今爲此書惟務救時弊而酬佛恩耳明達之士苟不因人棄言幸展」 「金澤溥於德今爲此書惟務救時弊而酬佛恩耳明達之士苟不因人棄言幸展」

萬歷十三年仲冬日

杭沙門株宏識

清素之行第一

明古杭雲棲寺沙門株宏輯

不作齋會

湯炭踐踏洗炙傷害微蟲故不爲也如復求寄王宮官府有勢之家彌難盡意不如已之 問 劉宋僧旻七歲出家以經義宗海內號旻法師修繕寺字造設經像放生布施未嘗倦廢或 畫預辦齋會無復正念嗟乎旻師之言眞萬世龜鑑也 贊日今人作一福事必起齋會名曰圓滿乃至掩關僧半期以後即於關中營營焉晝夜經 和尚所修功德多矣不聞建大齋會恐福事未圓旻曰大齋難得盡理且米菜鹽醋樵水

受施隨散

緇門崇行錄

清素之行第

漟 都分散已盡晉安守劉業餉錢一萬卽贍寒飯曾不終日情性疏率不事形儀衣服塵滓

未嘗舉意浣濯

贊日講法而不受關遺是之謂法施噫安得人人法施如開公乎

蟲嗚塵積

聲聒 梁道 超從靈基寺旻法師學獨處一房屏絕賓侶塵埃滿屋蟋蟀鳴壁中 | 耳塵多埋膝安能對此而無忤耶答曰時聞此聲足代簫管塵隨風來我未暇掃致忤。 書郎張率謂日蟲

名賓爲愧多矣率大歎服

左溪遁跡

則羣猿爭捧誦經則衆鳥交郛刺史王正容屢請入城師不欲往竟辭以疾 唐. 玄朗傅大士六世孫也常行頭陀依嚴傍澗號左溪尊者宴居一室自 四 -餘年。 尼師壇終身不易非尋經典不輕燃 一燭非觀聖容不妄行一步洗鉢 以爲法界之寬一

贊日 今人讀永嘉答書藐視 期師等之僻見不知永嘉特 時遭著之語而左 泛遺範

者今日事也明眼者審之

遺錢不願

若。 多爲陵州刺史趙仲舒者三代酷吏也甚無信敬聞故往試騎馬過之佯墮貫錢富 以 隋富上依益州淨德寺止宿繫大笠道傍坐其下讀經人往來不喚令施有施者亦不呪願 何 不止之日非貧道物何爲妄認舒下馬禮謝歎服而 目未曾覩去遠舒令人取錢富亦不顧舒乃問日。 路靜故多載無所獲人謂曰城西北人稠施多奚爲在此答曰。 爾終日所得一錢貫錢在 去 一錢 兩錢 足支身命復用 地見人持去. 讀經

不畜衣糧

以 唐. 木打塊塊破形銷廓然大悟晚年一 通 意三十出家入太白山不 齊糧。 取給草菓渴則飲水息則依樹 裙一 被所著麻鞋 至二十載布衲重縫冬夏不易 坐起禪思經於五

敗施不憶

緇門崇行錄 清素之行第

佛

唐. 一静琳京兆 [之琳日都不憶有此也平生衣破以紙補之 華 原 人。道 風 (既播瞡錫) 日至並委諸侍人口不重問後欲作福方恨無財 侍人

不 掩 閉

出

室門不掩閉衆號爲狂則歎日道他狂者不知自狂耳出家離俗而爲衣食故行住遮障鎖 唐智則雍州長安人性落魄不羈恆被破衲裙垂膝上房僅單牀瓦鉢木匙外無餘物居一

門 緘笥費時亂業種種聚飲役役不安此而非狂更無狂者

、疑僕從

於崖 唐. 承遠始學於成都後住衡山西南嚴人遺之食則食不遺則茹草木而已有慕而造者值 |谷贏形垢面躬負薪樵以爲僕從而忽之不知其爲遠也代宗聞其名賜所 居號般舟

贊 侈服飾置

處獲惟恐人之不知而揚揚過

問里者亦可以少愧。 道場世稱蓮 日苏茨構 建社三祖云 而堯 堂疑 於村 舍衣服 惡而

禹迹疑於野

人沉釋子以鉢衲支身者耶今時有

唐.

偈云一池荷葉衣無盡數樹松花食有餘剛被世人知住處又移茅舍入深居 大梅 常 禪 師得 馬 大師 即心即佛之旨隱深山中人無知者鹽官以書招之辭不赴附以

鹿 鳥爲 侶

後周行因隱居廬山佛手嚴每夜闌一鹿 第子有鄰庵僧爲之給侍一 日謂曰捲上簾吾欲去簾方就鉤因下牀行數步吃然 雉棲遲石屋之側馴狎如伴侶殊無疑怖因平

立 生化 不畜

贊曰多欲之人死且彌切甚而分香賣履眷眷不能放下不獨世諦中人釋子亦有之因 生清氣逼人脫化如遊戲不亦宜 平0

少欲知足

宋宏覺禪師誠徒衆云汝既出家如囚免獄少欲知足莫貪世榮忍饑忍渴志存無爲得在 佛法中十生九死亦莫拋棄 緇門崇行錄 清素之行第

衆清

海

種 拾橡果爲食永嘉大師不喫鋤頭下菜高僧惠休三十年 宋慈受深禪 受用未饑而食未寒而衣未垢而浴未睡而眠道眼未明心漏未盡如何 師小多示衆云忘名利甘淡薄世間心輕微道念自然濃厚區擔山師小多示衆云忘名利甘淡薄世間心輕微道念自然濃厚區擔山 著一辆鞋。 週輕 地則赤脚汝今種 消得 和尚. 生

衣一 食

宋慧熙居惟一身不畜侍人日惟一食不 謁。 ه دارا ه 迎逆接候 兩頭塵合如久曠者衣服敝惡僅冤風寒冬服破衲夏則懸置梁上有聞其名者就房拿 受人施房地惟一 **蹤**餘並莓苔所坐之榻惟於中

0 獨 守 死開

累日方得見

鼠上溜下淖。 元. 高 峯 妙 禪 風雨飄搖絕給侍屏服用不澡身不薙髮截黌爲鐺倂日一食宴如也洞 師。 在龍 鬚 九年轉柴爲 視。 在 多夏一衲後 造 天目 西殿 石 洞。 營 小 室 如 船榜 非梯

莫登去梯斷緣雖弟子罕得瞻

千丈嚴訪死關之遺覩師威容恍乎在目自悲生晚不獲親炙因游淚久之 **贊曰天懸九霄壁立萬仞前有熙公後有此老眞迥絕塵氛矣曩余登天目入張公洞俯**

臨

總論

諸公千載至今流風未泯也聞其風而不興起尚得爲比丘乎哉 回 比丘華言乞士也清淨自活名曰乞士而多求而多畜而多事不亦實叛其名乎旻師而下

禁拒女尼

隋靈裕定州人安衆兩堂簡已未具言行濫者斥之女尼誓不授戒弘法時方聽入寺仍後·

幼絕戲掉

緇門崇行錄 嚴正之行第二

流親諸 唐玄奘法師姓陳氏漢太丘公之後也隨兄素出家年十一誦維摩法華卓然梗正不偶 沙 彌劇談掉戲謂曰經不云乎夫出家者爲無爲法豈復更爲兒戲可謂徒喪百

識者知師德器不凡矣

贊 日童年 而盛德非天賦之獨隆蓋宿習之不忘也知乎此則可以辦來生於今日矣

嚴訓侍者

唐智正定州安喜人開皇十年奉勅住勝光仁壽復入終南至相寺與淵法師爲侶二十八 初不賜坐一日足疼心悶不覺仆地正呵責曰昔人翹足七日汝今纔立顚墜心輕故也其 年不涉世諦弟子智現者伏承法教正凡有著作端坐思惟現執紙筆立侍隨出隨書累載

而論道尚有厭倦者師嚴道尊敝也久矣悲夫

嚴

如

此。

小地

而猶

加呵責不已甚乎噫古人忘驅爲法少室齊腰程門三尺未足爲過也今坐

破壞酒器

唐玄鑒澤州高平人性敦直見非法必面陳呵毀不避强禦數有繕造工匠繁多或送酒者

奧鑒即破酒器流溢地上義大怒明將加惱夜夢人以刀擬之旣悟躬詣懺悔 輒 止之日吾所造必令加法寧使罷工無容飲酒時清化寺修營佛殿州豪族孫義致 酒 兩

堂未就地獄先成豈虚言哉司營繕者當痛以爲戒 **贊曰今時之餉工役非惟用酒兼復飪腥至於豎棟安樑賽神宴客且復赤丁垣之刃矣天**

不面女人

唐道琳同州邰陽人年三十五出家入太白山深嚴隱居勅令住大興國寺頃之逃於梁山。 之陽從生至終儉約爲務以女人生染之本一生不親面不爲說法不從受食不令入房臨

終之際有來問疾者隔障潛知遙止之不令面對焉

贊曰律中亦許爲女人說法但不得見齒不得多語而此老絕不說法似矯枉過正然末法 不憂其不爲女人說法也惟憂其說法而成染耳如此老者良足爲後進程式

力衞殿堂

緇門崇行錄 嚴正之行第二

佛

惠主始州永歸縣人專精律學居青林寺時陵陽公臨益州素少信心將百餘 日死活今 、默入寺就

佛殿 破 矣舉杖向驢騾一 我慳貪深爲大利送沈香十斤綾紬十段後還京從受菩薩戒 講 堂僧房安置。 時倒仆如死主手擎擲之坑中縣官大驚執主申狀陵陽喜日蒙律師 無敢違者主從莊還。 見斯穢雜。 即入 房 取錫杖三衣而出 歎

黜 豪 尼

黜。唐. 启 慧 滿 雅州· 尼訴於東宮遺詹事杜正倫等解其擯事滿執法不從衆懼禍及遂强解焉滿歎息不悅 人七歲出家後奉勅住弘濟寺時證果寺 顧の 尼出 入宮禁取僧寺爲菴滿集衆擯

受仙書

者

累

日尼後詣滿部

謝

過滿終不同

唐法 寄居之夢神人告曰君非凡流此石庫中有聖書受之者爲 公常襄陽 人性剛敏 衲 衣囊 鉢。 畢 志卯齌貞元中住天台之梅山梅 下 界主不然爲帝王師常日。 山者. 梅 福舊 隱 也。 此

非吾好昔僧稠不顧仙經其巷自亡吾唯以涅槃爲樂耳神人數

服

關門班子

居其子自廣味 從 諫南陽人壯歲出家頓了玄理會昌沙汰潛居皇甫氏別業大中初復敎因 陵 來覲與諫遇於院門不復能識乃問 日從諫大德安在諫指之東子既 還洛 去闔 邑舊

门不出其割愛如此

抗章不屈

其 其失帝令宰相岑文本論 唐智質居洛下時太宗幸洛韶道士位列僧前京邑沙門陳諫有司 不量進退者實曰吾固知勢不可爲所以爭者欲後世知大唐有僧耳聞者歎服。 旨遣之實固 執 不 奉 詔帝震怒杖實朝堂民其衣流之嶺表 不納實隨駕表奏極論

防心離過

蔬 號大通平 宋汴京善本 菓以魚肉爲名則不食其防心離過類如此徽宗大觀三年十二月甲子忽謂左右曰. 居作止直 禪師姓董氏漢仲舒之裔也博極羣書依圓照本 視 不 瞬臨衆三十年未嘗輕 發 ---笑凡所住! 禪師剃落哲宗朝住法 見佛菩薩 立像終不 敢坐。 雲賜 只

緇門崇行錄

嚴正之行第二

有三日已而 示寂世稱大本小本 云

贊日防心如是古之所謂聖賢今之所謂迂僻 也哀哉

終夜拱 手

宋. 圓 通訥禪師常入定初义手自如中夜漸昇至膺侍者每視候雞鳴

不 談 世 事

唾

脚

宋光孝安禪師住淸泰寺定中見二僧倚檻相語。 麗仍掃 初有天神擁衛傾聽。 久之散去俄而 世事。 惡鬼

跡詢其故乃二僧初論佛法次敍間闊末談資養安自是終身未嘗言及

贊曰古人爲生死行脚纔逢師友惟汲汲商畧是事何暇他論今人終日雜話求如二僧 亦

可 復得鬼神在側又當何如噫可懼 也

總

正 或 攝 謂 心則心地端以嚴正持法則法門立若夫現奇特以要譽逞凶暴以示威與今之嚴正. 六 和 名 1僧又僧行四 忍辱宜 無 取 於嚴。 不 知吾所謂嚴非嚴 厲之嚴蓋! 嚴正 之嚴 也回以 嚴

尊師之行第三

力 役田舍

會無怨色數歲之後方啓師求經師與辯意經一卷可五千言安齊經入田因息就覽春歸 晉道安法師十二出家神性聰敏而形貌甚陋不爲 師所重驅役 田舍至於三年執 勤就勞

一卷將一萬言齎之如初暮復還經師令誦之不差一字方大驚數更求餘經師曰昨經未讀乃復求耶答曰卽已成誦師雖異之而未信也更與成具光明經更求餘經師曰昨經未讀乃復求耶答曰卽已成誦師雖異之而未信也更與成具光明經

贊曰安淸廟之圭璋也置之耒耜而服勤不怨今弟子纔負寸長禮貌衰則去矣況田役耶。

况久於田役耶吾於是三數

受杖自責

晉法遇事道安爲師後止江陵長沙寺講說衆經受業者四百餘人時一僧飮酒遇罰而不 緇門崇行錄 尊師之行第三

遭安遙聞之以竹筒貯一荆杖封緘寄遇遇開緘見杖即曰此繇飮酒僧耳我訓領不勤遠。 第 學 要 選 貽憂賜遂鳴椎集衆以筒置前燒香致敬伏地命維那行杖三下垂淚自責境內道俗無不

歎息因之勵業者甚衆

贊曰噫使今人發安老之緘其不碎筒折杖而辞語者寡矣聖師賢弟子千載而下吾猶爲

爲師禮 懺

夜祈 晉法曠下邳人早失二親事繼母以孝聞後出家師沙門曇印印嘗疾病危篤曠乃七日七 誠禮 懺至第七日忽見五色光明照印房戶印如覺有人以手振之所苦遂

立雪 過膝

其膝磨顧日久立雪中欲求何事光泣曰惟願和尚開甘露門廣度羣品磨曰諸佛無 魏. 道。 曠劫精勤難行能行難忍能忍尚不能至汝今以輕心淺心欲冀眞乘徒勞勤苦光聞誨 神光學解冠世達磨大師自西域至往師之磨未嘗與語一夕大雪光立 庭 砌。 曉雪 上妙 過

雕力。 心磨日將心來與汝安光日 以 刃 斷 臂置于 磨前磨 日。 1諸佛求道 「覓心 了 不 爲法忘形汝今斷 可得磨日 與汝安心竟遂傳法爲二 臂求 亦 印 在光日我心未 祖

身願禪者勉之。 贊 祖得法良繇精誠已極機緣已熟乃爾針芥相投非取 心断臂 也癡人效願將 致

離 師 白責

與師 唐.清 荆唱言某甲 慈施 附件捨而 江幼悟幻泡禮曇 與歡喜求哀再四一公憫之遂爲師資 再投和 遊方偏歷法筵自責日天下行半如我 尚。 性願攝受時公一詬駡江 一律師爲親教 師。 諷誦 如初 經法. 一雨淚懺 觸 一公沒謁 目而 本師者鮮 謝 通識者曰此緇門千 日前念無 忠國師密傳 矣乃還師所當僧集 知後 心要焉 الماد 有 悟。望 里駒 和 也官 時。 負 倘

則 日 長往不返 一合聖 賢 微呵則銜恨不忘空遇明 而 緇 門崇行 知非當詬罵 錄 尊師 之行第三 而 不退可謂 「師竟有何益如逢帝主不獲一官惜哉」 「師竟有何益如逢帝主不獲一官惜哉」 「は後信之流・

小嫌

佛 學

居 IE 寢

其 石霜慶 衆從諸諸迎居正寢行必掖坐必侍備極敬養之禮 諸禪師得法於道吾後隱瀏陽洞山有瀏陽古佛之語學者多依之道吾將化棄

歷年 執侍

唐招賢通 禪 師。 少爲六宮大使因詣 鳥窠求出家窠不納堅求乃爲剃落執侍左右勤 一動不

替經一十六年不豪開示欲辭去窠問何之曰諸方學佛法去窠云佛法此間亦有少許遂

拈起 布毛忽大悟號布毛侍者云

赞日人見侍者於布毛下悟去不知一十六年織紅之力也匪多載辛勤焉有今日事遇明 ●

師 者. 幸毋以躁心乘之

謹 守遺 命

宋.懷 屬日 志金華人幼業講因一 子禪雖逸格惜緣不勝耳志拜受命至袁州州人請住持揚岐掣肘 禪者激發棄講參方晚至洞山得法於眞淨文禪師。 m 去遊湘上 久之辭去

緇門崇行錄

尊

師之行第三

潭 牧 清住 上封北禪皆不受菴於衡嶽二十餘年有偈日萬機休罷付癡憨蹤城 跡 時容 野

贊日顯達人之所欲逸遺命而力拒諸請可不謂難乎今人嗜名利棄禮義不請而往者紛 脱麻 拳作枕幾生夢在綠蘿菴晚投龍安龍安處之最樂堂遂終老

如矣尙何憶乎師命

邍訓終隱

威儀 宋清素得法 子以 · 参叩往復開發塗得大悟仍戒悅曰吾以福薄先師授記不許爲人憐子之誠忘先師 後 於慈明在處 切 勿嗣 吾也終身陸沈人無知 際衆中の 兜率悅 公時 在衆因夜話詢 知爲 慈 明侍者大驚 明 日 具

兵難不離

師 元. 日吾迫桑楡汝方富有春秋何當玉石俱焚宜自逃遁簡泣 印簡。 荷 免 乎明 日 城 降。 Ш 四 寧遠 人八歲. 元 帥史公天澤間日汝何人對日沙門食肉否對日 禮 中 觀沼公爲 師十八一 元 兵下寧遠四衆逃難簡 日因果無差死生有命。 何肉。 侍 史日人 中 觀 安可 加 故 雕

佛學要選

日虎豹尚不相食況人乎史喜而釋之

總論

非欲依 之流未必其無人矣嗟乎悲哉 古之爲弟子者師沒而信愈堅今之爲弟子者師存而守已易所以者何良繇最 之訓以正 止眞師決擇生死蓋一時偶合而已是以其心見利則易逢惡友惑之則易瞋 也則易甚而下喬入幽如陳相罷釋事道如靈素者有之矣又甚而太陽平侍者 初出家實 其師

孝親之行第四

蘭盆勝會

月

猛 佛 |火目連痛哭白佛佛言汝母罪重非汝一人力所奈何必假十方衆僧威神之力當於七 世 大目犍連事 母至孝母死出家精進行道得六神通見亡母生餓鬼中持飯往餉 飯 化

十五日佛歡喜日僧自恣日爲母設盂蘭盆齋供佛及僧始克濟拔目連如教設齋其母

20

卽 白生養 以 是 日脫餓鬼苦轉更資薦遂生天上絲此蘭盆勝會流通萬 死葬小孝: ·也生俾底豫死俾流芳大孝也生導其正信死薦其靈神大孝之大孝 世焉。

也。 目 「犍連以之 0

母必親 供

供者以福與登 齊. 也非爾母 紀習成實造金藏論七卷於鄴城東郊講演往則荷擔其母及經像等語人曰母。 也形骸之累並吾身 地菩薩等也衣著食飲大小便利 也有身必苦何以勞人道俗聞者多感 躬自 經 理不煩他人。 有助之者輒拒 化馬 必親

0

吾母

居喪不

海 梁法雲陽羨 **♦**⊙ 性誠孝勞於色 人七歲出家爲莊嚴寺寶亮弟子雋朋英秀於妙音寺開法華淨名二。 養。 居 母憂毁瘠。 過禮。 累日 不食。 是法 師謂 日。 聖人 制禮。 賢者俯 經。 就。 學者

神 者跛 識宜速思遠理使有 及且毁不滅性尚出儒宗況佛有至言欲報生恩近則時奉顏儀遠則啓發菩提以導 成津。 何 印 恣情同於細近雲乃割哀微進**館** 粥の

0

緇 門崇行錄 孝親之行第四

隋智聚住蘇州虎丘東山寺至德三年丁母憂泣血悲哀幾於毀滅止東山精舍善說不休 也哉。 泣血哀毁

豈 理

法輪常 轉。

荷擔聽 學

當食時坐母樹下入村乞食 隋敬脫汲郡人少出家以孝行清直聞其聽學也常施荷擔母置一

頭經籍楮筆置一

頭。若

鑿井報父

父恩立碑銘之有殷憂暮景見子無期百年幾日對此長悲之句。 唐慧斌兗州人父朗在朝年迫期與愛敬無緣乃於汝水之陰九逵之會建義井一區以報

禮塔救母

佛 要 選

贊曰曾子之母死水漿不入於口者七日即雲公之居喪雖曾子何加焉語曰釋氏棄其親·

俄聞 見受諸苦鄰悲泣請免帝曰可往鄧山禮育王塔庶可救也鄰即詣塔哀泣禮拜至於四萬。 母已故三載矣因詣岳廟敷坐具誦法華誓見岳帝求母生處其夜岳帝召謂曰汝母禁獄。 唐子鄰范氏子母王氏不信三寶鄰逃東都依廣受寺慶修律師出家忽思親歸寧父失明 贊曰目連感佛教以供僧子鄰感神教以禮塔至孝通神明詎不信夫。 有呼鄰聲望空中見母謝曰承汝之力得生忉利天矣倏然不

悟道報父

師爲 唐師備姓謝氏父以漁爲業墮水死備因出家欲報其父芒鞋布衲食纔接氣與雪峯存 友峯以其苦行呼爲頭陀嘗攜囊出嶺擬欲徧參忽傷足流血豁然而悟遂不出嶺依

峯咨決心要

峯管稱曰備頭陀再來人也後忽夢父來謝云荷子出家了明心地已得生天。

來報耳 股

故

刲 出家

0

唐鑒宗湖州長城人姓錢氏父晟有疾宗割股肉饋之給曰他畜之肉父病因愈乃求出家。 緇門崇行錄 孝親之行第四

後 謁 鹽官 悟宗 禪師隨 衆參請頓徹 心源咸通中止天目東峯徑山號徑山第二

織 蒲 供 母

屨 唐. 施 陸 道 州 路貨屢養母人號陳蒲鞋 陳 尊宿諱道明初遊方契旨於黃蘗住觀音院常百餘衆後捨衆入開元寺房作蒲 Zio)

誠 感父骨

出! 戰 安 後 認骨願羣骨之中有動轉者即吾父遺骸 搖 沒骨暴霜露能 周. 止嚴穴時穀涌貴丕自辟穀唯乞食供母 道丕。 曳 良 長安貴 久 不瞬踊抱持齎歸見母是夜母夢夫歸明晨骨至人以爲孝感所致後應制 收取歸 分 胄 里 人唐宗室也七歲出家十九值 葬 乎遂往 霍山拾聚白骨畫 也一心注想目不輕捨數日間有觸 母問食未恐傷母意必曰已齋母曰汝父 夜誦經呪之曰昔人精 **駕幸洛京長安焚蕩** 乃 懷從骨 誠所感滴 負 母 入 聚躍 霍 華 血 Ш

贄 道. 多居元席朝野 絕粒 而餉母饑誦經而獲父骨可謂大孝兼乎存歿而至行超於古今者矣嗚呼異 歸 重回

宋宗賾襄陽人父早喪母陳氏攜養於舅氏少習儒業年二十九禮長蘆秀禪師出家參通 玄理迎母於方丈東室勸母翦髮甘旨之外勉進念佛後無疾而終製勸孝文行於世號慈

覺禪師。 其親不可不知此。 **賾公篤信淨上不惟自利而兼利其母使果得往生賢於度母生天者多矣沙門欲報**

總論

俾其親牽輓如工僕者二也割愛出家而別禮他男女以爲父母者三也願諸世人毋以此 世人病釋氏無父而釋氏之孝其親反過於世人傳記所載蓋歷有明徵矣今猶使嫉僧如 蛇蠍者則僧之罪也。 即可痛恨其罪有三安享十方之供而不念其親者一也高 坐 册 車而

絡門 一崇行錄 孝親之行第四 三不才僧而病一

切。

佛 學 要 選

開 陳 報 應

旣明何用佛教對曰周孔不欲深言故畧示其槷佛教不止淺言故備陳其詳聖人惟 於顯人得而誅之易稱積善餘慶詩美求福不囘雖周孔之格言即佛教之明訓皓曰周孔 星見以仁慈育萬民則體泉冽嘉禾茁善既有應惡亦如之故爲惡於隱鬼得而誅之爲惡 吳 僧會吳主皓召而問曰佛言善惡報應 嫌何也皓深然之 可得聞乎對日明主以孝慈治天下則赤鳥翔。 恐善

勸善弭災

多陛下以爲

勤 晉法曠簡文皇帝詔 修德 政以塞天譴貧道必當盡誠乃與弟子齋懺俄而星滅 問 起居井路以 以妖星請曠爲力曠答韶曰景公修德妖星移 · 次願陛下

規

沈諫殺戮

齊 百 爲 從 宋. 大 費 誅 敝 鉢 悲救 穀 志. 求 **黎豪救濟者** 道 盛 佛 子。 2消則彗孛日 奈何。 那 嘗 帝 茂。 出 IJ 水 圖 論 濟正 撫几 跋 澄。以 一嘉 怪 燒 加 摩罽 對 齋 南 香 此 在斯 歎 言 持 北 日。 戒 呪 石 朝多高 基衆の 帝 之須 日.。 齋 則 賓 見 勒 好殺乃詣 俗 齋 土庶 王 國 時 於 耳所謂 所 **臾生青蓮花**。 人 亦 王 上恆象著見休咎隨行斯古今之常徵天人之明誠 迷於 大 咸 修. 族 僧。 賢聖出 與匹 也。 矣。 悦。 藥因 勒。勒 遠 布 元 加 夫 理 此 ___ 嘉 與不於平 勒信服澄因 沙門泥於近教如法師所 不 善 異。 八 救 問 病出 佛 殺. 政 车 PL 夫身 達建 成 則 道 金 有 亦 人 ・ 瓶者非耶 ・ 世而於凱世者何也良以運厄時艱民窮物苦 何靈驗 神 業 至 賤名劣應須. 矣。 以 帝 諫 寧在 問 和。 日 大王 日 刑 澄 酸 不 寡 知 夭命。 者。 华 尅 人 勒 欲持 己苦 不達深 言真可謂開悟 德化治於宇內 日 役不 之 餐 躬帝 齋 勞力 理。 全 不 王以 殺。 禽之 先動 則 m 世〇 身主 勒甚 則 明 風 四 達 命. 海爲 以 雨 四 悦焉。 道術。 通 然後 時寒 亟 靈 家 政 表 天

應被

瑞。

政

乃

取

爲

弘

暑

萬

不

獲

郴門崇行錄

忠君之行第五

佛

際 矣動 有司 供 給舉國 宗奉命

贊日帝王之不信佛法非獨不信者之過亦論佛法者未盡其妙也如

較 公論供養

齊 鐃以爲供養其福何如願對日昔菩薩八萬伎樂供佛尙不如至心今吹竹管子打死牛皮 法 願穎川人高帝事以師 禮武帝嗣 興亦盡禮敬文惠太子嘗往 寺問 訊調 願 日葆 吹清

數○
自謂持正不知使人主不欲親近緇流者正爲此等輩也神龍變化非蚯蚓所知其是之謂自謂持正不知使人主不欲親近緇流者正爲此等輩也神龍變化非蚯蚓所知其是之謂自謂持正不知使人主不欲親近緇流者正爲此等輩也神龍變化非蚯蚓所知其是之謂自謂持正不知使人主不欲親近緇流者正爲此等輩也神龍變化非蚯蚓所知其是之謂

不礙者矣雖古良

加此彼世僧局偏見而如求那者義正而語圓

何足道 I好佛事 哉 m 昧 佛

糜費雖多不越人天有漏之因耳願公此言豈獨覺世俗之迷抑**萬**

沙門 說法悟主 釋 子 之良 薬 也會理。

28

界本 去漁畋禁天下屠殺月六年三勅民齋戒 齊僧稠昌黎人年二十八投鉅鹿實公出家齊文宣徵之不就躬造焉扶接入內稠爲論三 空國上亦 爾 世相不常及廣 說 四念處法帝聞驚悟流汗因受菩薩戒斷酒 肉。 放 鷹鶴。

感悟東宮

子答 生 謂東宮常膳多所烹宰殿下以一身之料徧擬羣寮及至斷命所繇莫不皆推殿下請少殺 唐. 以 太子日今畧經中 了

安琬弘農華陰人貞觀初帝以琬戒德朝野具瞻勅爲皇太子諸王授菩薩戒琬致書皇 順 以永壽命三日順氣謂不殺曰仁仁主肝木木屬春生殿下 陽 辱 和四日奉齋謂年三齋月六齋何者今享大福咸資往因復能進德彌增美矣皇太 師 妙法 要務 四 科謹當緘之心府奉以周旋永藉勝因用資冥礼 四條惟 願留 意一日行怒謂依涅槃梵行之文含養兼濟二 位處少陽請春季禁殺 一日減殺。 斷

勸斷屠殺

唐沙門明瞻素博學懷抱經濟太宗聞其名韶入內殿問之瞻廣陳政 古沙門明瞻素博學懷抱經濟太宗聞其名韶入內殿問之瞻廣陳政 緇門崇行錄 忠君之行第五 要因敍 29 釋門 以慈救

、太宗大悅一 下 勅 年三善月 月六齋 日普斷屠殺行陣之所皆置

勸 修 懺 法

齊密往古履道思冲寧得獨異武帝善之 對 宋. 量宗。 日昔虞舜至聖猶云予違汝弼湯武亦云萬姓有過在予一人聖王引咎蓋以執世。 秣陵 人出家 靈味寺嘗爲 武帝行菩薩五 悔法。 公帝笑謂宗曰: 股有 何罪而 爲 懺 恂宗

受罰 不 欺

宋. 怒收付有司。 衣. 、號定 道 楷沂水人得法後大揚洞上之風崇寧中詔住東京淨因大觀中 照 禪 有司 師。 表解 知楷 不 受 忠誠。 上 乎。 東太息遂 問日。 復令開 長老枯瘁有疾乎對曰無疾有司 封 府尹 受罰。 李孝壽 躬論朝 州。 見者流涕楷神 红 褒善 日言有疾 之意。 徙天 而 著。 业。 楷 即法 上遺使賜紫 確 然 免罰。 不 巴。

榮及而辭. 人所難也解而致罰受罰而不欺不曰難 勅放 中之難乎忠良傳 中 何 得少 此。

學者益

親。

明

年

公自便乃

庵於芙蓉湖

中回 編管

淄

色自

至

州

僦

贵

敢

許

疾

mi

求

免罪

譴

之以風世僧♥

咏花諷諫

後晉江南李後主召法眼禪師入內庭時牡丹盛開主索詩師乃頌云摊毳對芳叢綠 不同髮從今日白花是去年紅豔異隨朝露馨香逐晚風何須待零落然後始知空主歎悟

來 迥

諷意

贊曰味詩意忠愛油然溢於言表惜後主知而不用終不免夢裏貪歡之悔耳彼號爲詩 者品題風月敝精推敲而無裨於世以此較之不亦黃金與土之相去耶。

良喜起之義數人倫莫重於君父吾故前列僧之孝後列僧之忠以杜釋氏無父無君之誇 士君子處江湖之遠則憂其君僧無官守也僧無言責也而盡忠如是孰謂山林之下無明

慈物之行第六

緇門崇行錄 慈物之行第六

忍苦 護 鵝

擊 佛 Ŀ. 鵝殺之比丘不覺悲淚珠師怪焉乃語之故感悟珠師懺悔 食視珠不見疑比丘竊之也比丘欲護鵝故任其捶擊至於流血鴉 世 有此 丘: 乞食珠師之門。 時 珠師方爲王 一穿珠置珠三 取 食。 m 作禮。 珠 偶 墮 來舐 地。 鵝 血。 吞 之。珠 珠師移怒併

護 鴨絕 飲

獨木爲橋繇之汲水後一鴨折翅在橋羣欲舉錫撥之恐傷鴨還不汲水絕飮而 晉僧羣淸貧守節。 庵於羅江縣之霍 山山在海山 中有 石盂逕數丈淸泉 冽 然庵與石 終回 隔 小澗。

贊曰爲物命而忘已身大慈弘濟於是爲至 至人之視革囊夢幻泡影耳苟有利於衆生則棄如涕唾餧虎飼鷹皆以是心也豈凡 矣。或 日 全鵝而忍苦可 也羣之滅其生得 無過

順養 生命 0

夫

執各

四

大者

所測知

法朗徐州沛縣人就大明寺寶誌禪師學禪精律論譽動京畿聽侶雲集所得檀開用

陳.

32

師 與此

經 像塔寺濟給窮厄見諸生命卽買歸畜之鵝鴨鷄犬充牣房內見朗寢息皆寂無聲遊觀

之時 奉 起 鳴 吠喧於鼓 吹亦懷感· 心之致歟⑥

敬 施

童 唷. 袈裟數過 靈裕定州 稚 說約門人自稱已名號彼仁者苦言懇切聞者流淚 F 領疾苦求療者醫藥無算但得厚味必先奉僧雖禦畜類未嘗呵 鉅 鹿 人十五投趙郡應覺寺出家。 博 通經論名藉海內其行施也 悲 唾。 乃至 敬兼之惠 一責問

買 放 生 池

以所 隋智者大師居臨海日見民 得賻施買 海曲爲放 放生池表間東: 表聞陳主陳主下勅禁採捕因爲立碑詔國子祭酒徐孝克 百餘里江簄 溪梁六十餘所心憫 之乃

文辭甚悽楚覽者悲悟多感化焉。

割 耳 救 雉

舜趙州· 緇 人北遊亭 門崇行錄 山庵其中有獵者逐雉雉人舜房舜苦勸冤不聽因割耳與之獵人 慈物之行第六 33

34

贊日。 驚悟投弓放鷹數村捨其獵· 「軻氏云 至 誠 而 不動者未之有也於舜老 業毎 見 貧餒流! 淚盈 驗之。 面解 衣 滅食無所不 Ŧ6

貧詣 官

委队 欲相給爲設食已與共入京帝日我國法急不許道人民間汝更助急不許道人山中則遣 隋普安京兆涇陽人。 往遂放入 亂 屍 以 施 虎豹時 ЩQ 周氏滅法隱於終南山之楩梓谷苦行忘身或露形草 有重募擒 送 一僧賞帛十段或 來執安安欣然慰喩 日。 莽 觀 以 施 卿 貧煎正 蚊遍。

躬處 演坊 渠何

爲 月 唐. 智嚴 在 禪 此。 師 出家昔同 嚴日 丹 陽 一我癲欲 曲 阳 軍 人。 配君廠 智勇過 戎刺 史嚴撰張綽等聞其出家尋訪之見深 人為虎賁 正發往石頭城癘人坊爲其說法吮膿洗穢無不曲 中郎將應囊 掛 於弓首 率 以爲 Ш 孤寂謂 常〇後 日 (院公山依) 郎 盡永徽中。 將 癲 耶.

終於癘所顏色不變異香經旬

口 吮 腹

速 近。 寬。 無人治者卽興來房中躬自. 配流 寬流 州 西 蜀。 河 東 旭 人。 餕 常誦 財 帛悉 維摩 不 受唯以 經. 經 理。 成本 有患腹癰膿不能出。 ___ 感天 驢負 神選房。 經路路 逢僧寶暹者 性 慈惠 口门 **吮之遂獲痊** 好贈病 足破 以前 人。 至可後 晏感作 不 傍拾驢 計 道 俗及 與 乘 逆。 路 事 自

擔 經籍時逢歲儉煮糜粥以飼饑。 又解衣衣之或割或減衛哀勸化導彼念佛

惠 養 奉 鼠

唐. 蓋意鉢中之餘飼房內鼠有鼠百餘皆馴狎爭 來就食其病者以手摩捋之

氈 被 畜狗

收聚 唐. 智凱丹陽人常講 養育。 乃至 三十五 三論貞 十氈被與臥 觀 元 年住餘姚縣小龍泉寺越俗狗生子多捐棄道上凱憐之 不 嫌 行

穢 疾 不 嫌

唐.

道

積。 蜀 入住益 州 福 感寺性慈妇 有藏疾者洞爛穢氣鬱勃聞者掩鼻積爲 之供給身

樞門崇行 錄 慈物之行第六

不二或同器食時與補院人間之答曰清淨臭穢心憎愛也吾豈一 其神慮 耶寄此

看疾遇聖

方訝之忽矢所在 唐智 ·暉住重雲剏温室浴僧施水給藥有比丘白癩衆惡之暉與摩洗如常俄有神光異香。

贊曰佛言吾滅度後好供養病人以中多賢聖故也今重雲所遇與悟達因緣正相似古今

類此甚多站出一二以爲嫌棄病人者勸焉

行先執帶

密行檀惠種種善事仍戒勿**泄**。 唐 慧斌兗州人博窮經論後專靜慮以慈救爲務每夏行步恐傷微蟲執帶先掃隨得利養·

贈濟乞人

唐. 自斟酌見其藍縷形容消瘦憐憫墮淚悲不自勝己亦同羣受粥而食遂及多載。 曇選高陽人居 興國寺性好慈濟財物不積置 互鑊併乞人所得 食總為 饘粥列坐奉乞。

30

施 戒 放生

戒夜施鬼神食放諸生類六時行道餘力誦法華經一萬三千部開實八年十二月二十六五代永明壽禪師居永明十五年度弟子千七百人入天台度戒萬餘人常與七衆授菩薩五代永明壽禪師居永明十五年度弟子千七百人入天台度戒萬餘人常與七衆授菩薩

日焚香告衆趺坐而 逝。

看病如己

宋. 或天稍寒撫其背日衣不單乎或暑祭其色日莫太熱乎乃至命終者不問彼有無常住以 庵住雲居聞衲子病移延壽堂咨嗟歎息如病在己 旦夕問候 躬自煎煮不 心 與食

禮 津 送

而 贊曰經稱八種福田看病第一豈不以衲子無家孤單湖海伶仃疾苦真可悲憐作僧坊主· 病 不於我 、調死不於我殯豈慈悲之道乎凡住持者宜以高庵爲法。 ·

總論

仁義禮智人之四端也而仁爲首慈悲喜捨佛之四心也而慈爲先荷 緇門崇行錄 慈物之行第六 無慈心。 雖有博學多

0

恵言慈也 生我名者殺我身於是竄影嚴壑草食味禪終身焉 晉道悟秦主姚興逼以易服輔贊屢辭不允殆而獲免乃數曰昔人有言益我貨者損我神· 避 龍 入山 高尚之行第七

之皆慈也其迹則威其實則慈也威而不失爲慈是之謂大慈也子毋以响响之恩沾沾之聞神通三昧悉魔業耳或謂慈威並運佛道也何專尚乎慈不知生之殺之皆仁也攝之折 38

要

贊 遠師從者百餘皆蓮社英賢耳而何公尚抑揚如是今僧畜奴僕張蓋荷篋趨蹌於豪 耶回

貴之門 而求與爲伍何公見之又當何 如

不享王供

0

南

中。 姚 四事供養亦不受時至分衞一食而已衣鉢队具盈屋三間不以介意興爲貨之造寺秦佛陀耶舍在姑臧秦主興遣使聘之厚贈不受旣至興自出迎別立新省館於逍遙 不受旣至興自出迎別立新省館於逍

齊僧稠文宣帝常率羽衞至寺稠宴坐小房了不迎送弟子諫之稠曰昔賓頭盧迎王駕不迎送

不結貴 遊

0

與富 梁智欣丹陽 貴遊往孤迥絕人凡റ施不畜爲構改住寺 人。 以 經 義 名海內永明末太子時 幸 五〇 東田數進寺欣因謝病鍾 山晏然 、自得不

緇門崇行錄

高尚之行第七

學

要 選

不 荆州 引 賊 路

行 隋. 數 道 步坐於地曰吾沙門 悦。 人常持般若住 .也非引路之人浮幻形骸任從白刃粲奇其高 E玉泉値朱**梁**5 反。 寺求 糧。 叉 欲 加害悅殊 無 尚因 所 懼 **送還寺** 放令引路悅

屢 徵 不 就

唐慈藏。 戒 日 而 新羅國人冥行顯被物望所歸屢徵不 死。 不 願 ___ 生破戒 m 生。 使不忍殺具以上聞。 就の王 大 奴。 王 一歎服 勅 住山所將加手刃藏日吾寧持 高。

寧 死 不 起

唐. 起當取其首 四 祖道信 大師住 師引頸受刃使以聞太宗嗟歎賜珍帛以遂其志 黃梅 \equiv + 餘 載 觀 中 太宗 一韶 令赴 京師並. 业以疾解帝 動使者若不 更

贊 印 日 望而 子 陵 之拒光皇種老之辭 不 印 追 也。 四祖其人敷慈藏其人 仁 祖 亦 逸 士之常耳 數。 未聞脅之以 白 刃而

不

囘

者

也。 丹 鳳

9

不

三韶 宗 赴

40

本 主。 唐 一爾先行。 中 自 汾 空寂。 夜 州 m 無業禪師陝 逝。 迷者不了即爲境惑流 吾即往矣遂沐浴敷座告門人 阜囘奏帝大欽歎賜諡大達國師師處憲穆兩朝凡三 西 雅州人 穆宗遺左街僧錄靈 轉不 窮常了一切空無一 日汝等見聞覺知之性與太虚空同壽 阜 齎韶起之師笑日貧道 法當情是: 一詔不 諸 佛用 何德累 心處言訖端 切境 煩

詔 至 不起

第取り 交 唐. 頤使云天子有詔尊者且起融熟視不顧使笑云涕及頤矣融曰我豈有工夫爲俗人拭 樹 融 隱金 歎異仍厚賜旌之 。 陵 牛首 山上聞其名遣中 使 召 見使至融方 坐地燃牛 **糞火拾煨芋而** 食寒涕

上聞 而

冒 死 納僧

(0)

字告日。 唐. 法 沖隴 如有 西 成 死事沖身當之但施道糧終獲福祐宰嘉其志冒網周濟焉 紀 人。 觀 初。 勅 私度者 處以 極 刑時 嗶 陽 Щ 多逃 僧避難資給告匱沖詣州

不赴俗筵

緇門崇行錄 高尚之行第七

唐. 韜 光 禪 師結茆於靈 隱 四 峯刺. 史白居易具飯以詩邀之光答偈 不往有城市 市

贊曰有古德辭朝貴招宴偈 到. 恐驚鶯轉畫樓前之句其高致 云昨日曾 如 FIG 今日期出門

经大學學院送途中甚不宜與韜光高致先後如出一輔噫斯二偈者衲子當朝暮吟咏一過始得 本沈防型 不受衣號

將

倚杖 叉

思惟爲僧只

合居

山谷國

倡

0

大學管框見 受 唐全付吳郡崑山人見南塔涌禪師頓明心地後住清化禪院錢忠憲王遣使賜紫袈裟付 上章力辭使再往又辭曰吾非飾讓也恐後人效吾而逞欲也尋賜號純一禪 師復固解了

力辭 賜紫

所接對時郡守李公欲奏賜紫衣。 五 代. 勉超確然不拔且曰而復來吾在盧龍塞外矣相國瀛王馮公聞其名修書通好超曰貧 對時郡守李公欲奏賜紫衣超辭以詩有暫傳經論死不染利名生之句李:恆超范陽人止開元寺講經論二十餘年前後州牧使臣投刺求見者令童!

9

李公復令人

子收

刺。

勸

飛 錫

凛然披拂千古眞可 贊曰 表聞 辨 後唐貞辨中山人刻苦修學刺血 道 方出 早捨父母克志修行本期 紆 於朝強賜紫焉卒之日天樂盈空蓋生兜率之明驗 不樂王宮 塚見旌 金紫之服交宰輔之門人所 旗騎乘還入塚穴帝擒之問故檢塚中則草 以涼奔競之炎衷而醒利名之醉眼 彌勒 書經時幷州 知 深願 名不 謂浪 而惟恐其不得也。 傳字輔 不容外僧辨出野外隱身古塚中武帝畋 豈以虚名浮 也 座案硯 一公堅解再 疏 利 留 四若將浼焉清 心 乎馮公益重之。

風

養管太后深加仰重辨訴於后日本以學法爲重久在王宮如梏械耳帝乃縱 鈔羅 布遂命入府 其自 供 遊。

0

袖

納

薦

附書薦顯。 檢牀籍乃得 宋雪寶顯 顯 禪 顯問 至靈隱陸沈衆中三年俄曾公奉使浙 師 緇門崇行錄 得法於智門 向 所附書出諸袖 高尚之行第七 祚公將 遊 中封緘如故曰公意勤然行脚人於世無求敢希薦 兩 浙。 學 士曾 西。 公謂 訪顯靈隱莫有知 日。 靈 隱 天下 勝 者。 處。 43 時僧千餘 珊 禪 師 吾

使

吏

達

故

0

0

學雷 贊曰。 哉曾公大笑珊以是 今人得貴宦書如獲拱 毒不讓德山臨濟諸老考其平生則器度繇來不凡矣爲釋子者不可不自愛 今人得貴宦書如獲拱璧而曉夜求售其亦不聞雪竇之風歟吾怪雪竇拈唱宗乘電 奇

棄書不拆

宋武 也。 居法雲威光恒然後以書致安安不拆而棄之侍者問故安曰吾始以秀有精彩今知其癡 出家兒 寧慧安禪 塚間 樹下辦那事如救頭然無故於八達獨頭架大屋養數百 師。 興 圓通 秀鐵 壁 同 參天衣安居 武 寧荒村破院 單丁三十年 閒 漢 此眞 m 圓 開 通 眼 應 尿

狀吾何復對 對 贊曰。 秀多衆安單丁蓋易地皆然耳安非詆秀警世之頑羣癡聚而已雖然養閒漢猶 哉 哉

也。

今之所養者忙漢也尙何言哉

宋慧璉漳州人皇祐中召對化城殿稱旨賜號大覺禪師璉持律甚嚴上嘗遣使賜龍腦鉢

44

佛

學

要

3 贊日。 盂。 璉對使焚之日吾法以壞色衣以瓦鉢食此鉢非法宜無所用使囘奏上嘉歎久之 • **建公**版鉢 而 無怖心英祖聞奏而無怒色所謂微先生不能成光武之大微光武不能

途先生之高者也得非宗門之盛事**歟**

總論

0 之差也噫爲僧者誠以道自重使國王大臣聞天下有樂道忘勢之僧而歎之羨之其忠亦廊廟上度吾君下度吾民非弘法利生之正務乎獨惜大道不立而枉己以求榮者貽釋子 上 | 錄忠君此紀高尙高尙是則忠君者非歟是不然顧所守何如耳道充於嚴穴而名聞於

同其忠同 多矣豈必面陳獻替而後爲忠乎吾是以知南陽寵逮七朝無業力辭三韶遇不同而其道

遲重之行第八

傳法久隱

緇門崇行錄 遲重之行第八

衆 後 傳 唐. 六祖 太師初參 衣法。 夜 半潛 五. 去隱 祖即悟自心祖 跡 於獵 人中。 日汝根性大利著槽廠去逐事吞 垢 岶 者 一十六 年後以 龍 天見 碓。 腰 推。 石 乃於印 勤 劬。 苦 宗 作供

師 講 席偶論 風 盛四衆驚 於十六年之後。 仰扶翊開法大閩南宗爲萬: 代 師表 馬回

而薙髮亦如之養深積厚古今一人而已師表萬

亦宜 平 0

贊曰。

一大師

不惟開法

+ 年 祕 重

0

敗簀 唐桂. 於閩 經常山人 活如 城 西 也可勤 石 山蓮宮駐錫十數年祕重妙道。 州 初 學 太 毗尼。 保固請宣法退讓 後訪 南宗。 徧 參 不獲方受其請大開法門。 知 有怨志 談得旨於玄沙大師密行陸 沈潭 扣求者乃爲開演 参徒莫計。 既而 出法 遷羅 州 牧王公請 漢院。 宗焉。

不宣 靈 異

唐善靜. 管洗沐舍利隕落即收祕不許弟子示人又禪寂次忽有白鶴馴狎於庭若聽法者靜 長 安 金 城 人。 南 遊 樂普。 見安公法 裔. 乃融 心 要後 還故 里。 留 守 Ě 八一管永 小安院居之 ● 令人

赞日古人 驅 何 Ko 逐 凡 此 獲靈 殊 徵. 異而 有 mi 不宣 秘重不宣今人無靈異而僞稱惑衆心事蓋霄壤矣聖益聖愚益

愚。

又

混 迹 樵 牧

唐普願鄭! 太 元 公守興宣 + 年. 掛 州 錫 池陽南泉山蓑笠 新鄭人依大 、隈山大 飯 牛混於樵 **慧禪師受業得法於江** 牧。 矿 Ш 宿 田。 足不 西馬大 下 南泉三 師含景匿耀似. 一十年太太 不能 和 中 池 言 貞

使陸公護軍劉公固請開法道化大行號南泉古佛 LO

州 日遠 事。 非 八 初 + 祖 師影 行 學所宜出家兒大 脚。 雪峯三登 不 出 虛 Ш 投子九上洞 四 4 + 未 散。 明不 王 老 師足不 山敢爲癡隱者 遠千里參 下 李 南泉三十年此古人之盛節 知識此何時乃守愚空坐自失善利 告 也然皆得意

耶。

0

贊

後

事 皆 緣 起 趙

唐. 神 鼎 諲 禪帥。 椒 門祭 豫州 行 人。 錄 與汾 遲重之行第 陽齊名。 八 댿 尚未壯隱於南嶽二十年乃領住持又二十年方開 47

@

堂說法然皆緣起於他實非己意

歷年閉戶

宋雲蓋智禪 師元祐六年退居 西堂閉戶 別居者三十年

0

問 聰禪師大悟之後 久處深山

宋.

無

獨

入光州山中六年陸安州深山六年復至光州又經三年

如

山中獨行獨坐共十七年後乃去世

獨行獨 、坐於大悟之後亦遁跡南泉意也彼初心未悟而乃厭叢林畏大衆離知識素

居孤陋不亦謬乎

贊日。

八請不赴

宋汾陽無德禪 人堅請不已乃順人望旣至宗風 師。 見 七十 員善 知識前後 大振迹不越闢自爲 八請皆不出世燕居襄陽白 不出院歌 以見志云 馬寺丼汾道俗千餘

贊日歷觀諸大老得法之後率多韜光鐘彩時至乃彰而此老八請不赴其祕重尤甚厥後

宗風大振非源深流長歟今少年負一能皇皇乎出世之恐後也亦錯矣縱然生摘得終是 不 緊香納子宜時以自警

重法隱 Ш

傳之寄聞對佛像灼肌燃指刺血書經以彰重法遂隱五臺山不 韶居大原教寺賜銀章一品求戒者皆從受焉延祐四年三月二十四日坐逝 卷者三番帝師數日漢地乃有此僧耶尋以安西王命開講筵義善寺天子聞而徵之至闕。 。 元法聞七歲出家後從温公學法華般若唯識因明及四分律温公謂聞任重道遠託以弘言光順上。 ·瑜閩 者 六載讀藏 教 五

廢寺隱居

古望等五刹新剏皆虔懇延師爲開山第一組。 結茆以居影不出山者六載名聞於朝遣重臣賜名香金襴法衣加號弘辨至正間有龍眠 元. 世愚衢州一 西安縣人歷參布衲及斷崖中峯諸大老後得法於止嚴歸 乃不得已應之 西安鳥 石 山廢寺

總論

緇門崇行錄 遲重之行第八

50

0 沙彌非多生之熟習耶佛法不是鮮魚那怕爛卻斯言雖小可以喻大香飄龍天推出舉而措之裕如矣子見如來一代之利生而不知三祇之熏鍊又安知七歲 或 1飄龍天推出舉而措之裕如矣子見如來一 問 、之遲 世尊 始成 重非獨善忘 正覺卽演華嚴乃有 世 也道 高 而志愈勤心明而 沙 彌講經年甫 七歲 事 彌 愼水邊林下長養 如 必歷年 一久隱當如 聖 主 胎 待 夫 果 熟 衆生何不 知

艱苦之行第九

年 老 頭 陀

佛

言大

0 如故佛大嘉な 存 不然我法則滅汝眞荷擔大法者後傳法爲 沙莱尊者專行頭陀年老不捨佛憫其衰邁謂 · 歎 日汝能爲一 切衆生作依止如我在 西天 在耳今僧腴其食文其衣華其居惰其初祖 世無以異 也有頭陀行如汝者我法

言汝久事勤苦宜稍自逸

迦葉苦行

0

頭陀行之存

滅法之存亡係焉金

口

數宣言猶

四肢飾其玩好如王公而不知愧末法將沈良可扼腕迦葉鼻祖東西二方而所爲如是豈

備經險難

0 以標行路耳至蔥嶺嶺冬夏積 晉 雲無竭 聞法 長 安西渡流沙上無飛鳥下絕走獸四顧茫茫莫知所之惟望日光以 ·顯等躬踐佛國慨然有忘身之誓以永初元 雪惡龍 吐壽風雨砂礫前度雪山下有大江流急如箭。 年集同志曇朝僧猛等二十五 準 東西。 視 東 四

0 路 四 煙。 兩 旣 · 代先拔下杙仍攀上杙展轉相攀經於三日方及平地檢料同侶失十二人進向 則 山之齊繫索爲橋十人一過到彼岸已 空曠性 知 暴 風 齎 吹 不索人 堕江· 石 蜜爲糧十三人中又死八人無竭雖 中矣復過大 雪 舉煙爲幟後 Ш 懸崖 壁立。 屢 無安足處壁 人見煙知前已渡方得更進。 經危棘而繫念觀音 有故杙孔孔相 未嘗暫廢不 中天竺。 久不 對。 至

那 來。 牛亦驚散後於南天竺隨舶達廣 國遇衆惡象乃歸命觀音忽現師子象遂奔逸至恆河復值羣兕歸命如初尋有大鷲。 州。 齎 經 mi 湿

賀日讀西行傳千載 緇門崇行錄 而下猶可流涕即今一字一句皆先德汗血也而或以輕心對之汙手 製苦之行第九 51

@

佛 選

執 之不潔處置之又或存而不讀讀而不行乃至用以搏衣食貨名利而。 巴。52 悲 夫

法滅緩 絰

0

潛形灰槁以俟法復 隋靈裕見周氏滅教悲感不勝衣以斬縗頭絰麻帶如喪考妣引同侶夜談正理畫讀俗書

刺股 制 心

0

上刺 隋智舜趙州大陸人專修道觀妄心卒起不可禁制即刺股流血或抱石巡塔須臾不 處斑剝如錦玉 逸。 髀

西 坐 取 經

0

不知爲計閉門而 唐玄奘法師立誓取 坐至晚啓門 經貞觀三年單己 一老僧至焉奘卽禮敬僧教持般若心經遂得虎豹藏形。 西行過流沙歷高昌及於罽賓多虎豹不能前進裝 魔

迹直 造 佛國 取經而歸凡經一百五十餘國貞觀十九年冬方達京

唐志 兩 食 超同 恒 備六時 州馮翊人年二十七依 無缺每有苦役必事 并州開化寺贊禪 身先後於汾州 起光嚴 師出家潔正身心勤履衆務安僧數百 寺晝夜 馬 克勤 攝引後學時 逢

嚴

勅度僧者加以 極 刑。 而超曾無介意如常剃落避世逸僧憑若泰山

蚤蝨 不 除

寄 唐. 以調 曇 · 韻高陽人止五臺山木瓜寺單形 伏曾於坐夏。 山饒上蚤既 不 屏除氈如凝 **吊影處以瓦窰衣服** 血。 但引咎自 · 責願以相酬情無悋結。 mi 破敝蚤蝨積聚任其味 如 噉。 此

行 施。 四十餘

贊日 願 以 相 蚤 蝨 酬。 不除. 則 所謂 不幾於苦行外道乎是 馬麥金槍償宿債 耳安得等之外 不然若 以苦行爲成道之繇則誠邪見今引咎自責. 道。

六 載 春 粟

唐. 六載之中曾無廢惰徒跣三年。 道 亮 趙 州 欒 緇門崇行錄 城 人。入 封 艱苦之行第九 龍 山。 誦 六時隨衆後以講律聲被東夏聽徒 經爲 業山 旧三十亮 身 旣 同 衆務。 八百成講學 日 別 53 春 以 土者 五 斗

匹

十餘人

不作不

唐. 百 | 支海 禪 師。 住百丈山絕 頂每日力作以償其供或勸止之則日我無德以勞人衆不忍·

藏其作具因不食遂有 贊曰德如百丈而猶曰不欲以無德勞人況我輩乎或謂住持者宜弘法利生雖日享千。。 • 日不作一日不食之語

0

役百 此今若是凡以愧天下之涼於德而豐於祿者也 ·夫何病焉而瑣事力作非所謂知大體噫百丈建叢林立淸規爲萬世師法豈慮

不及

金

萬里決疑

唐大隋禪年 其僧 疑之專 師。 師 有僧問劫火洞然這箇壞 參扣偏歷 山川至於萬 也不壞答云壞僧云恁麼則隨他去也答云隨他 里。

贊日。 語千山走衲僧者正指此也今俾尋師訪道則跬步而攢眉逐利趨名則萬里而輕. 古人爲毫釐礙 膺不肯自瞞。 必求決擇痛快而後已何 復以途 路爲勞所謂了 句隨

他

旬。 過百邑遐哉高風 不 可覩

躬 自役作

側 宋慕喆臨川人號喆侍者住大潙衆二千指齋罷必會大衆茶每放參躬自役作使令者在 如路人夜禮拜視殿無燈火倦則以帔蒙首假寐三聖堂而

卑己苦躬

0

潛 宋僧藏遇仁祠則禮逢碩德則禮僧俗施拜俯僂而走當衆務也屈己猶臧獲焉見人故衣 加浣濯或與縫級至炎暑夜脫衣入草莽中蚊蚋蜻蛭唼嚙流血而恆念彌陀佛號

歷者 不能算數矣

温陵 有言苦身而作安坐而食曲躬而禮逆立而受苟非 有已利之德爲害非細。 此 老

刻苦 事 衆

宋雲居簡單

禪

師。

緇

門崇行錄 初謁 膺 禪師。 艱苦之行第九 興語三日大奇之而誠令刻苦事衆於是躬操井白司樵 55

務不 行 不 辭 妨商畧古今衆莫有知者 勞

證其敢言勞 一次則入室參道昇曰頭陀荷衆良苦亦疲勞乎本1 宋圓照本禪師師永安昇公昇道價重叢林歸者, 日若捨 如雲本 敝 法不名滿足菩提. 衣 垢 面操井臼典炊爨 必欲

彼行彩者也是何其與古異也

贊日

掌衆務而

不 礙

商畧古今典炊爨而

不妨入室參

道。

今沙門袖手受供。

日

吾辦道者

也。

此

生

以

宋. 法燉煌人專精禪 常 乞 食 業後遊 成 都王休之費鏗之請主興樂香積二 刹訓衆有法常 行分

中 衞。 放 不 光照燭 受別請 不預僧食。 三途果報於是深加篤勵常坐不臥元徽二年於定中 之食所得. 减 施 蟲鳥。 夜 則脫 衣露坐 以飼 蚊 蚋@ 滅 入定見 濔勒 佛 臍

0

總論

56

要

選

0 愚六祖以碓磨 弱多病或計之則又曰愚者用力智者用心愚修福智修慧噫果若而言非但迦葉以頭陀 忘己今少年 聖王之相傳也曰無逸佛氏之相戒也曰愼勿放逸故求法者爲法而忘驅利衆者爲衆而 十指 愚而 不 一點水百事 ·不捨穿針之福將無佛亦愚耶噫 ● 不 干 懷。 擎 鉢 則 日 **」臂酸持**篇 則 日 腰 痛。 蚤 一夜勤 修. 則 日 吾 體

精 誠 感戒

晉. 退 而 進張掖 竭誠禮懺經三載 人詣曇無讖律師求受菩薩戒讖不許令七日 夕夢釋迦文佛親爲授戒明往見讖欲言所夢讖遙賀日 懺悔懺畢再往又大怒不許進 ·

戒 矣自是道俗從進受戒者千餘 10

懺 獲妙

晉法橋少樂轉讀而乏音聲於是絕粒**懺悔七日爲期稽首觀**晉以求現報同學苦諫不聽 緇門崇 行錄 感應之行第十 57

至第七日覺喉內豁然索水飲之自此經聲徹里許

晉師子座

義. 提 劉 有佛性處曰如我所說契佛心否石皆點頭 宋竺道生論涅槃經闡提皆當成佛舊學法師以爲邪說擯之生誓曰 現 身 悪 報實契佛心願捨命 時據 師 子 座遂往 已而涅槃後品至果稱闡提有佛性後於廬遠途往吳郡虎丘山豎石爲徒講涅槃經至闡 若 我所說 不 合經

山講涅槃經甫畢衆忽見麈尾墮地端坐而逝

執 文又不獨闡提一端而已而生公正 聖人之言有辭缺而意圓者涅槃之論闡提是也亦何俟後品之至蓋達人會 見不搖堅如金石死不違誓輝灼古 今嗚呼壯 肚理。 哉o拘

夢中易首

首。 旦夕 | 豁然驚覺備曉華音於是開講大弘佛法||夕禮懺求觀音加被忽夢白衣人持劍擎人頭來問日何憂具以事對其人以劍爲易新||夕禮懺求觀音加被忽夢白衣人持劍擎人頭來問日何憂具以事對其人以劍爲易新 宋. 永 那 跋 跎 羅. 中天竺人任緣遊 化至京都譙 王欲講華 嚴等經 而 跋 跎 自 付未 善宋言

慶講懺悔

安充豎義即以刀創我身痛毒難忍因扶掖還寺竭誠懺悔經於十年至心盡敬依 於古塚中得之流血被體問其故則云有猛士執大刀厲聲呵云僧雲爾何人斯敢廢布薩。 令一僧豎義使後進開悟衆無敢抗逐廢誦戒七月十五日衆集忽失雲所在四 齊僧雲住寶 明寺以講演著名四月十五日臨誦戏時白衆言戒乃人人誦得何勞數聞。 出追 式 布薩。 **寛**乃

臨終之日異香來迎欣然而逝時咸嘉其卽世懲革云

%注之信也果報炳然於雲公有徵願覽者思之 贊日今時 尙 經論 而輕戒律二千年來半月誦戒無復有舉行者予不揣興廢墜於山

癘疾獲瘳

鏡自照曉而 齊僧遠住梁州薛寺不修細行隨流飲噉忽夢神人 履。 食長齊昏曉行悔悲淚交注經一月餘夢前神人含笑謂日知過能改可謂智人今當 臨 水見限邊鳥 點謂是汙垢舉手拭之眉隨手落因自咎責痛改常習散 切齒責曰汝出家人如是造惡何不 衣破 取

権門崇行錄

感應之行第十

曾無 赦 汝。 《驚喜而 退 墮 遂 覺流 爲 名 僧回 汗 徧 身面 · 目津潤雙眉復出遠身經 報信知三世

要

超吳 勤苦發

解

徹o 婆 梁.道 佛時已能講說君始修習云何可等但自 郡 人。 見是法 師 學 解 冠 海 內心 欲 企之酸 加 功不 寝忘 患 不隨分得解逐勤劬苦至頃 味。 以 夜繼 日间 夢 有 人言旻法

之洞

師毗

禮 懺 延壽

0

能

愆. 梁寵 可冀 法 師。 耳 年 二十 龍引鏡驗之面 八。 遇 道 人法 有 願謂 黑氣於是鬻衣 日, 君 年 滿 公鉢市香供。 四 --當 死。 東抵 無 可 海鹽 避 處惟 光興 有 六寺閉門禮 問 祈 誠 諸佛懺 懺。 杜 悔 絕 前

人 日。 君 事。 起猶於牀上依時百過俯仰虔敬。 死業 畫忘 食息。 已盡 遽開 夜不 戶寂無所見 解 衣迄今 見明晨黑紅 四 十歲暮之夕忽覺 氣已 除。 兩 兩耳 耳 生 |骨居常禮佛百拜爲限後有疾 腫痛。 其夜 懺 達 四 鼓。 聞 戶 外

年七十有

四而

虚。60

不

自後竭

誠奉法。

0

贊日修短公 壽 + 间 本 有 可 盡以般若以 九於是罷 巴 天。 分也禮 況三 人。住 實 講探 功德力得倍壽矣後見前相 懺誦 不 鍾 經 印 Ш 思議力耶獨恨精誠不能如二公耳鼓響籥而爲經交杵碓而 藏 開 經而壽延則宿 善寺遇 得 金 剛 經。 相 者謂 竭 因之說廢矣噫還帶而 誠 誦 日。 者驚異莫測藏陳其故。 讀。 法 禮 師 佛 聰 懺 明 濫 悔。 畫 世。 悟命 夜 夭相除渡蟻 不 **駿**⊙ 不 始 長。 期。 止三十一 知 經 忽 mi 力 開 貴 不 空 耳。 形 可 中 思 現 聲 時 成禮。 百、汝 人 年二 力

扣 鐘 拔苦 亦

何

怪

乎

感應之無繇

也回

6

叉

配

緇

門崇行錄

感應之行第十

興

以

散

衆回

至 肾. 彭 智興。 城 居 病 死。 大 莊 嚴 寺。 巾。 職 掌 扣鐘大業五 鳴鐘響 年。 同 住 上僧三果者。 獄。 脱。 有兄從駕道亡其妻夢 恩。 夫謂日。 疋。

日願諸 衆 問 惡 趣 扣 地 鈰 出 獄 我 何 鐘 以 賴 聲. 纹 莊 感與日 俱 嚴 離苦 寺 元. 扣鐘。 振 始 地 東皮裂肉數掌內凝 祝 日願諸 ij 得 解 聖賢同 欲 報 入 其 道 ML 一場乃發三 無所辭 可 奉 絹 かり」 + 下。 妻 奉

61

後持律精嚴世所希有中夜行道山上臨砚顚仆有天神 王之子張瓊也以師戒德高妙故給衞耳宜遂廣問佛世一一 唐道宣律師姓錢 氏。 初從師聽律一 **偏即欲遊方師呵** 日。 介胄掖之因問何神答曰博 適 退 條對及授宣佛牙實掌 自邇修捨有 時。 抑 令 聽 叉天 十徧

信焉號南山教主澄照律 師の

之師非常人而大賢之出其門有自來矣 今之受戒者一受之後束之高閣尙莫能麤究其義而況師十講弟子十癋耶吾故知宣公今之受戒者一受之後束之高閣尙莫能麤究其義而況師十講弟子十癋耶吾故知宣公 **贊**日律非玄義宣公非鈍根何: 淹滯乎十聽良繇戒爲道本欲其淪肌狹髓 耳回

感示淨 土

班 大 唐. 手 山 慧日泛舶 摩頂日汝欲傳法自利利他惟念西方極樂世界阿彌陀佛當知淨上法門勝過諸行。 有 概音 像日乃七日 渡海達天竺多訪 ull 頭又斷食畢命爲期至七日夜忽見觀音現紫金身 知 八識谷稟捷河 徑法 要天竺學者皆贊淨 土の 一健馱羅國一 坐 實 蓮 東北

說 已忽滅日囘長安普勒念佛

人詳具於往生集中茲不復贅 贊曰健馱之感觀音與竹林之感文殊大畧相類皆誠極而應無可疑者淨上感應事 非

甘露灌 口

日備極精懇夢觀音以甘露灌口遂得無礙辯才 五代永明壽禪師初爲庫吏用官錢放生當死吳越王釋之出家爲僧嘗行法華懺二十

懺感授記

作佛號普寧佛是冬榮卒異香繞室 法寺僧僧定者見光明中七佛皆現一 唐曇榮春夏講教秋冬坐禪因刺史送舍利三粒乃香求總獲遂得舍利四百粒行方等懺 佛顧榮云我是釋迦爲汝身器清淨故來授記後當

口 出青蓮

唐逢端止應潤寺專精法華十二時中恆誦不**發老而彌篤咸通二年忽趺坐而化須臾口** 緇門崇行錄 感應之行第十 63

中出 今號眞身院焉。 ·青色蓮華七莖葬東山下二十餘年墓屢發光開視之形質如生衆迎還寺漆紵飾之 佛

感應! 酮. 臣 予錄古行以感應終篇有笑於傍者曰道無修無證無修則感者空無證則應者寂憧憧於 誓而枯竹芽孝子泣而堅冰解理也奚足異乎使感應無繇則因果蕩然矣豁達空招殃 勿戒諸。 無亦計 功謀利 之心歟予日桴感鼓則應以聲 水感月則 應以影謀與計安在是 故忠

印

64

崇行錄者履眞 份朴窮. 源 漥 本 之談 也の 知 末 法 奉機皆 成 孟浪端 心 契 理。 無越 於茲。 故

卑近。 矣後之學者荷或三 彰以感應管 也 析。 大 師三藏 樹義 忠某也孝某也繇清淨而入道。 森嚴恍若奏八音於清 總持一心普 夫磁石 乘之以慢稍勉之則曰彼聖也我凡 引針。 乘猶夢未著在弟子粉蠢然之餘. 運大悲之極. 澄潭映月 廟。 某 Mi 也以端 沖然逸響悅可衆心 爰啓斯文誠爲濟苦海之慈 必然之理亦復 謹 而率衆某也行所難行某也 無 恭逢至教閱未終卷悲淚 也爾 疑。 所謂激頑起懦。 俾披覽者隨分各足而 何 曾 航燭 比予於是噫吾知 幽途 其爲 之實炬。 忍所 福 難忍而末 、嗟歎惴惴 揭 利 之日某 從條分縷 其 非 自安 小 補

萬 焉 歷 图 十三年歲 知 所自心 在乙酉仲多日 妃 神 喪. 頓 失故 步徒有 弟子廣酚和 以挹淸氛於下塵耳屬馚筆受其錄悚仄謹書時 南跋

而欲冀

無上佛

莊 盡 悉 若 願 下 上 有 濟三途苦 嚴 以 此 發 報 此 菩 見 佛 四 聞 重 淨 功 提 報 思 土 德 身 者 ت

同

生

極

樂

國

南投縣水里鄉頂段村川頭巷十五號之一號 蓮因寺大專學生齋戒學會恭印 緇門崇行錄

中華民國八十二年七月十五日恭印

